

"ЧЕВЕР ТҮНЯ — КУГУ ПОЭМЕ"



15-16 мартыште Морко рүдӧ книгагудын пашаенже-влак ден «Морко памаш» клубын енже Галина Васильевна Кузьмина Морко икымше номеран школын 10-шо ден 11-ше класслаштыже тунемше-влаклан сылнымут шӱлышан «Чеве́р тӱня-кугу поэме» шарнымаш шагатым эртарышт. Тидлан амалжат кугу – Олык Ипайын (Ипатий Степанович Степанов) шочмыжлан 110 ий.

Мероприятий жапыште вӱдышӧ-влак Олык Ипайын

илыш-корныжо, усталык пашаже нерген каласкалышт, сборникше-влак дене палдарышт, «Комсомолын мурыжо», «Тойметсола» почеламут-влакым йӱкын лудыч. А тунемше-влак, келшыше почеламутым ойырен налын, класс ончылно сылнын йонгалтарышт. Галина Васильевна О.Ипайын «Теле» почеламутшым лудын пуыш да вашлиймашым «Муралтена мо вара» муро дене сылнештарен. Александрова Людмила, Ива-

нова Олеся, Галина Кузьмина «Пире» йомакым мастарын модын ончыктышт да «Яндиар» поэме ден «Айдар» йомак гыч икмыняр ужашым лудын пуышт.

Вашлиймашын тӱн шонымашыже – самырык-влакым поэзий дене палдараш, тудын деке шӱмандаш. Кызытсе йоча-влак коклаште Олык Ипай гаяк чолга, мастар поэт-влак ешаралтыт манын ушаныме шуэш.

Эльвира ЗУЕВА,
тӱн библиотекарь